

Općinski načelnik

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), i člana 38. Statuta Općine Trnovo Zakona o plaćama i naknadama u organima vlasti u Federaciji Bosne Hercegovine ("Službene novine Kantona Sarajevo", broj 12/08), Općinski načelnik donosi

ODLUKU

O IZMJENAMA I DOPUNAMA ODLUKE O ORGANIZACIJI JEDINSTVENOG OPĆINSKOG ORGANA UPRAVE I POSEBNIH SLUŽBI OPĆINE

TRNOVO

Član 1.

U Odluci o organizaciji Jedinštenog općinskog organa uprave i posebnih službi Općine Trnovo ("Službene novine Kantona Sarajevo", broj 18/17), iza člana 5. dodaje se član 6. koji glasi:

"Član 6.

Interni revizor obavlja poslove interne revizije u skladu sa Zakonom i drugim propisima.

Interni revizor za svoj rad neposredno odgovara Općinskom načelniku"

Član 2.

Raniji članovi 6., 7., 8., 9., 10. i 11. postaju 7., 8., 9., 10., 11. i 12.

Član 3.

Ova Odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 02-02-2204
19. aprila 2019. godine
Trnovo

Općinski načelnik
Ibro Berilo, s. r.

OPĆINA VOGOŠĆA

Općinsko vijeće

Na osnovu člana 70. stav 1. tačka 2. Statuta Općine Vogošća ("Službene novine Kantona Sarajevo", broj 27/14 - Prečišćen tekst i 14/15) i člana 11. stav 1. Odluke o priznanjima Općine Vogošća ("Službene novine Kantona Sarajevo", broj 9/14), Općinsko vijeće Vogošća, na sjednici održanoj 30.05.2019. godine, donijelo je

ODLUKU

O DODJELI PRIZNANJA OPĆINE VOGOŠĆA ZA 2019. GODINU

Član 1.

Ovom Odlukom Općinsko vijeće Vogošća dodjeljuje priznanja Općine Vogošća u povodu 24. juna Dana Općine Vogošća u skladu sa kriterijima i mjerilima za dodjelu općinskih priznanja.

Član 2.

Općinska priznanja u 2019. godini dodjeljuju se:

- "Zlatni grb sa plaketom Općine Vogošća" dodjeljuje se:
 - Atif Džafo - posthumno
- "Plaketa Humanista godine Općine Vogošća" dodjeljuje se:
 - Faruk Duran
- "Zahvalnica Općine Vogošća" dodjeljuje se:
 - Ilma Cvrk
 - Bakir Mehić - posthumno
 - Ervin Macić
 - Ehlimana Jugo
 - Nihad Mujakić
 - Haris Fazlić
 - Volkswagen d.o.o. Sarajevo
 - Amir Bogilović
 - Edin ef. Mrkulić
 - Haris Čutahija
 - Ernad Šahović

Član 3.

Općinska priznanja iz člana 2. ove Odluke uručuju se na svečanoj sjednici Općinskog vijeća povodom obilježavanja Dana Općine Vogošća.

Član 4.

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-781/19
30. maja 2019. godine
Vogošća

Predsjedavajući
Općinskog vijeća
Tarik Curić, s. r.

Na osnovu člana 70. stav 1. tačka 2. Statuta Općine Vogošća ("Službene novine Kantona Sarajevo", broj 27/14 - Prečišćeni tekst i 14/15) i člana 3. Odluke o prioritetima i načinu korištenja sredstava za dodjelu pomoći za saniranje šteta nastalih prilikom proglašenja prirodne nesreće izazvane poplavama i klizištima na području općine Vogošća u maju 2014. godine ("Službene novine Kantona Sarajevo", broj 45/15), Općinsko vijeće Vogošća, na sjednici održanoj dana 30.05.2019. godine, donijelo je

ODLUKU

O PRENOSU PRAVA NA NEKRETNINI-STANU U VLASNIŠTVU OPĆINE VOGOŠĆA

Član 1.

Ovom Odlukom vrši se prenos prava na nekretnini-stanu u vlasništvu Općine Vogošća, supružnicima Korjenić (Nazifa) Izetu i Korjenić (Alije) Mirveti rod. Osmanović čiji je objekat zbog oštećenja uklonjen nakon nesreće izazvane poplavama i klizištima na području općine Vogošća u maju 2014. godine na lokalitetu Podgaj-Svrake.

Član 2.

Predmet prenosa prava na nekretnini je stan kao poseban etažni dio objekta kolektivnog stanovanja i to:

- stan označen kao 728/24EZ1U2J3 ukupne površine 58,36 m² iz z.k. ul. br. 4884 K.O. SP_GORNJA VOGOŠĆA na adresi ul. 24 juni objekat 3A2/SU.

Član 3.

Pravo na nekretnini-stanu iz člana 2. ove Odluke prenosi se na lica iz člana 1. kojima je nesrećom izazvanom poplavama i klizištima na području općine Vogošća u maju 2014. godine trajno onemogućeno korištenje stambenog prostora, a čija sanacija nije moguća, što je utvrđeno izvještajem o izvedenom monitoringu sa mišljenjem i prijedlogom za dodatni monitoring na lokalitetu klizišta Svrake od septembra 2018. godine urađen od strane privrednog društva "WINNER PROJECT" d.o.o. Sarajevo.